

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

Broj: T04 0 KT 0068765 26
Zenica, 05.05.2026. godine

**OPĆINSKI SUD VISOKO
Sudija za prethodno saslušanje
VISOKO**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

S. M., ...

Što je,

Dana 22.04.2025. godine, oko 16,30 sati, u Visokom, u ulici ..., nasiljem i izazivanjem tuče, te naročito drskim ponašanjem prema drugom ugrozio građanski mir K. E., na način da je, ispred porodične kuće u kojoj stanuje K. O. i K. E., nakon što je u dvorište K. E. ušla izvjesna A., pa kada joj je E. rekla da ne ulazi u njeno dvorište, S. M. je tada glasno povikao: „Ući će, ja kažem!“, da bi tada iznenada prišao E. i zatvorenom pesnicom istu udario u predjelu desne strane prsa, usljed čega je E. od bola vrisnula i otežano disala, nakon čega je osumnjičeni E. suprugu O. psovao majku, a potom bježeći se udaljio u nepoznatom pravcu, iako je znao i bio svjestan da na taj način ugrožava građanski mir K. E. i da istoj može nanijeti tjelesne povrede, što je i htio, pa je na naprijed navedeni način nanio oštećenju tjelesne povrede u vidu nagnječenja desne strane grudnog koša, konstatovane u SHMP Visoko,

dakle, vršenjem nasilja, izazivanjem tuče i naročito drskim ponašanjem prema drugom ugrozio građanski mir,

Čime je počinio krivično djelo „Nasilničko ponašanje“ iz člana 362. stav 2. u vezi sa stavom 1. KZ FBiH.